

門忽自開。入其室。金寶充牣。蓋朝廷內帑也。其人恣取以出。不覺遺其引他日庫失金。守庫吏得引以聞。執其人訊之。詞及謙。謙將至曰。吾死矣。安得少水以濟吾渴。逮者以瓶汲水與飲。謙且飲且以足插入瓶中。其身漸隱。逮者驚曰。汝無然。吾輩皆坐汝死矣。謙曰。無害。汝但以瓶至御前。上問之。輒於瓶中應如響。上曰。汝出。朕不殺汝。謙對臣有罪。不敢出。上怒。擊其瓶碎之。片片皆應。終不知所在。移檄物色之。竟不能得。

狎娼少年

有少年郎。狎一娼。以其美且富也。利之百端趨奉。惟恐失意。郎惑甚。留其家經歲。雖他娼才貌勝者。弗能移也。一日晝臥樓窗下。命市魚為午飧。俄而見娼自攜魚入。私念彼胡不使婢輩而必自持。注意察之。而娼不知也。提魚竟入廁中。郎益疑怪。俯窗諦窺之。見娼置魚於空淨器中而去。頃之。又將一器物注淨器中。若水而色異。亟下視之。乃月水也。便大恨。召與言別。不洽而行焉。按博物志有云。月布在戶。婦人留連。注謂月布埋戶限下。婦女入戶。則自淹留不肯去。斯言可信矣。

于梓人

于梓人者。湖廣武岡州人。梓人生七八歲。眉目如畫。資性聰警。其州將愛之。因其父藝以梓名之。及長。有俊才。且多異術。舉洪武乙丑進士。歷知登州府。部有訴其家人傷於虎者。梓人命卒持牒入山捕虎。卒泣不肯行。梓人答之。更命他兩卒曰。第焚此牒。山中虎自來。兩卒不得已入山焚其牒。火方息而虎隨至。彌耳帖尾。隨行入城。觀者如堵。虎至庭下。伏不動。梓人厲聲叱責。杖之百而舍之。虎復循故道而去。尋為部民告。許以為妖術。惑衆有詔逮治。數月。瘐死獄中。棄其尸。家人發喪成服。忽一夜聞叩門聲。問為誰。答是梓人也。人驚為鬼。曰。吾實逃去。云死者詐也。家人不信。謂鬼衣無縫。驗之不然。遂內之。梓人不自晦匿。日與故舊遊宴。或泛舟不用楫。逆水而上。以為樂。里人劉氏。其怨家也。執之。自知州伍芳請奏聞。芳不許。劉遂詣闕告之。朝命法官推按。未至一日。忽失梓人所在。但存鐵索而已。劉無以自明。竟坐欺罔得重譴。而梓人自是不復見矣。梓人自號七十一峯道人。詞翰適逸。可觀。吳用藏言。自制遊大山歌一紙。余

嘗見之

二酉委談

怪事

王世懋

邇來怪事不可勝書。獨二事最真而最奇。其一沙頭鎮一童子。年未十歲。其陰忽長如巨人。而毛似能行人。道者已漸頷下。生鬚。遍體俱毛。時時覆體為交媾狀。遺精地下。未幾而殞。其一吳江婦人。病狂走入郡城。遍覓死尸。食之。捋取腸胃。臭味不可近。渠自云絕美。好看饌不逮也。日食尸不可計數。兒童羣逐之。官為錄繫。久之釋遣。不知所終。二事皆載記所未有。沙頭童子似為妖孽。所憑若吳江婦人。頗似有占五行志中。皆一段新聞也。

徐爵

大璫馮保之腹心。曰徐爵。爵雖起罪戾。握士大夫進退權。得罪於宗社。為大。然年老多智。而好施。頗不為小民所怨。爵未敗。半歲前。予聞之。客云。爵一夕臥。夢一神人。長三四寸。呼爵謂曰。爾祿盡矣。爵懼而拜。問是何神。答曰。吾即君身中神耳。爵因哀祈免死。神因教之持齋。可延也。爵自是斷酒與肉。日奉佛。施棺。予頗異之。復以實

姻家史金吾。為信然。已而難作。愈信愈疑。為神既許之。延矣。奈何竟不免焉。金吾為余言。君不知耶。爵肉食三月矣。蓋朝貴奉之者。延爵致酒。謂公何自苦。信妖夢也。強之食。爵不得已始嘗一瓣。因遂不守。吁。何其神也。茲事余不先聞。必謂好奇者。傳會其事。今歷歷若符契。然烏可不紀。或曰。爵得罪大。即持齋可遂免乎。曰。爵能致神感。好善一念為之。其走權貴而終死於權貴。天實使之不終也。於道何疑。

寓圃雜記

王 錡

吳中繁華

吳中素號繁華。自張氏之據。天兵所臨。雖不被屠戮。人民遷徙。實三都。成遠方者。相繼至。營籍亦隸。教坊。邑里蕭然。生計鮮薄。過者增感。正統天順間。余嘗入城。咸謂稍復其舊。然猶未盛也。迨成化間。余凡三四年。一入。則見其迥若異境。以至於今。觀美日增。閭閻輻輳。綽楔林叢。城隅濠股。亭館布列。略無隙地。輿馬從蓋。壺觴。盤盒交馳。於通衢永巷中。光彩耀日。游山之舫。載妓之舟。魚貫於綠波朱閣之間。絲竹謳歌。與市聲相雜。凡上供錦